

第二四八冊

明倫彙編

宮闈典

皇后部

三一四
(卷)

古今圖書集成

中華書局影印

第一編

卷一

七

古今圖書集成

中國書局影印

欽定古今圖書集成明倫彙編宮闈典

第三十二卷目錄

皇后部列傳三

後漢

光武郭皇后

光武陰皇后

明帝馬皇后

章帝竇皇后

和帝陰皇后

和帝鄧皇后

安帝閼皇后

順帝梁皇后

孝崇惠皇后

桓帝梁皇后

桓帝鄧皇后

桓帝竇皇后

孝仁董皇后

靈帝宋皇后

靈帝何皇后

獻帝伏皇后

獻帝曹皇后

先主甘皇后

先主穆皇后

後主張皇后

後主張皇后

宮闈典第三十二卷

皇后部列傳三

後漢

光武郭皇后

按後漢書后紀光武郭皇后諱聖通真定藁人也爲郡著姓父昌讓田宅財產數百萬與異母弟國人義之仕郡功曹娶真定恭王女號郭主生后及子況昌早卒郭主雖王家女而好禮節儉有母儀之德更始二年春光武擊王郎至真定因納后有寵及即位以

爲貴人建武元年生皇子彊帝善況小心謹慎年始十六拜黃門侍郎二年貴人立爲皇后彊爲皇太子封況縣蠻侯以后弟貴重實客輻湊況恭謙下士頗得聲譽十四年遷城門校尉其後后以寵稍衰數懷怨懟十七年遂廢爲中山王太后進后中子右翊公輔爲中山王以常山郡益中山國徙封況大國爲陽安侯后從兄竟以騎都尉從征伐有功封爲新鄧侯官至東海相竟弟匡爲發干侯官至大中大夫后叔父梁早終無子其婿南陽陳茂以恩澤封南鄉侯二十年中山王輔復徙封沛王后爲沛太后況遷大鴻臚帝幸其第會公卿諸侯親家飲燕賞賜金錢緣帛豐盛莫比京師號況家爲金穴二十六年后母郭主薨帝親臨喪送葬百官大會遣使者迎昌喪柩與主合葬追贈昌陽安侯印綬諡曰思侯二十八年后薨葬於北芒帝憐郭氏詔況子璜尚清陽公主除璜爲郎顯宗即位況與帝舅陰識就並爲特進數授賞賜恩寵俱渥禮待陰郭每事必均永平二年況卒贈賜甚厚帝親自臨喪諡曰節侯子璜嗣元和三年肅宗北巡狩過真定會諸郭朝見上壽引入倡飲甚歡以太牢具上郭主冢賜粟萬斛錢五十萬永元初璜爲長樂少府子舉爲侍中兼射聲校尉及大將軍竇憲被誅舉以憲女壻謀逆故父子俱下獄死家屬徙合浦宗族爲郎吏者悉免官新鄧侯竟初爲騎將從征伐有功拜東海相永平中卒子嵩嗣嵩卒追坐染楚王英事國廢建初二年章帝詔封嵩子勳爲伊亭侯勳無子國除發干侯匡官至大中大夫建武三十年卒子勳嗣勳卒子駿嗣永平十三年亦坐楚王

英事失國建初三年復封駿爲觀都侯卒無子國除郭氏侯者凡三人皆絕國按劉植傳真定王劉揚起兵以附王郎衆十餘萬世祖遣植說揚揚乃降世祖因留真定納郭后后即揚之甥也故以此結之通典揚及諸將置酒郭氏漆里舍揚擊筑爲歡因得進兵拔邯鄲光武陰皇后按後漢書后紀光烈陰皇后諱麗華南陽新野人初光武適新野聞后美心悅之後至長安見執金吾車騎甚盛因歎曰仕宦當作執金吾娶妻當得陰麗華更始元年六月遂納后於宛當成里時年十九及光武爲司隸校尉方西之洛陽令后歸新野及鄧奉起兵后兄識爲之將后隨家屬徙清陽止於奉舍光武即位令侍中傅俊迎后與胡陽平主諸宮人俱到洛陽以后爲貴人帝以后雅性寬仁欲崇以尊位后固辭以郭氏有子終不肯當故遂立郭皇后建武四年從征彭寵生顯宗於元氏九年有盜劫殺后母郭氏及弟訴帝甚傷之乃詔大司空曰吾微賤之時娶於陰氏因將兵征伐遂各別離幸得安全俱脫虎口以貴人有母儀之美宜立爲后而因辭弗敢當列於媵妾朕嘉其義讓許封諸弟未及爵士而遭患逢禍母子同命慙傷於懷小雅曰將恐將懼惟予與汝將安將樂汝轉棄予風人之戒可不慎乎其追爵諡貴人父陸爲宣恩哀侯弟訴爲宣義恭侯以弟就嗣哀侯後及尸柩在堂使大中大夫拜授印綬如在國列侯禮魂而有靈嘉其寵榮十七年廢皇后郭氏而立貴人制詔三公曰皇后懷執怨懟數違教令不能撫

循亡子訓長異室宮闈之內若見鷹鵠既無關雎之德而有呂霍之風豈可託以幼孤恭承明祀今遣大司徒涉宗正吉持節其上皇后璽綬陰貴人鄉里良家歸自微賤自我不見於今三年宜奉宗廟爲天下母主者詳案舊典時上尊號異常之事非國休福不得上壽稱慶后在位恭儉少嗜玩不喜笑謔性仁孝多矜慈七歲失父雖已數十年言及未嘗不流涕帝見常歎息顯宗卽位尊后爲皇太后永平三年冬帝從太后幸章陵置酒舊宅會陰都故人諸家子孫並受賞賜七年崩在位二十四年六十合葬原陵明帝性孝愛追慕無已十七年正月當謁原陵夜夢先帝太后如平生歡既寤悲不能寐卽案歷明旦旦吉遂率百官及故客上陵其日降甘露於陵樹帝令百官采取以薦會畢帝從席前伏御牀視太后鏡奩中物感動悲涕令易脂澤裝具左右皆泣莫能仰視焉

明帝馬皇后

按後漢書后紀明德馬皇后諱某伏波將軍援之小女也少喪父母兄客卿敏惠早天母蘭夫人悲傷發疾恍惚后時年十歲幹理家事勅制僅御內外諮臬事同成人初諸家莫知者後聞之咸歎異焉后嘗入疾太夫人令簪之簪者曰此女雖有患狀而當大貴兆不可言也後又呼相者使占諸女見后大驚曰我必爲此女稱臣然貴而少子若養他子者得力乃當踰於所生初援征五溪蠻卒於師虎賁中郎將梁松黃門侍郎實固等因譖之由是家益失執又數爲權貴所侵侮后從兄嚴不勝憂憤白太夫人絕實氏婚求進女掖庭乃上書曰臣叔父援孤恩不報而妻子

特獲恩全戴仰陛下爲天爲父人情既得不死便欲求福竊聞太子諸王妃匹未備援有三女大者十五次者十四小者十三儀狀髮膚上中以上皆孝順小心婉靜有禮願下相工簡其可否如有萬一援不朽於黃泉矣又援姑姊妹並爲成帝婕妤葬於延陵臣嚴幸得蒙恩更生冀因緣先姑當充後宮由是選后入太子宮時年十三奉承陰后傍接同列禮則修備上下安之遂見寵異常居後堂顯宗卽位以后爲貴人時后前母姊女賈氏亦以選入生肅宗帝以后無子命令養之謂曰人未必當自生子但患愛養不至耳后於是盡心撫育勞悴過於所生肅宗亦孝性惇篤恩性天至母子慈愛始終無纖介之間后常以皇嗣未廣每懷憂歎薦達左右若恐不及後宮有進見者每加慰納若數所寵引輒增隆遇永平三年春有司奏立長秋宮帝未有所言皇太后曰馬貴人德冠後宮卽其人也遂立爲皇后先是數日夢有小飛蟲無數赴著身又入皮膚中而後飛出既正位宮闈愈自謙肅身長七尺二寸方口美髮能誦易好讀春秋楚辭尤善周官董仲舒書常衣大練裙不加緣朝望諸姬主朝請望見后袍衣疏麤反以爲綺縠就視乃笑后辭曰此綰特宜染色故用之耳六宮莫不歎息帝嘗幸苑囿離宮后輒以風邪露露爲戒辭意款備多見詳擇帝幸濯龍中並召諸才人下邳王已下皆在側請呼皇后帝笑曰是家志不好樂雖來無歡是以游娛之事希嘗從焉十五年帝按地圖將封皇子悉半諸國后見而言曰諸子食數縣於制不已儉乎帝曰我子豈宜與先帝子等乎歲給二千萬足矣時

楚獄連年不斷囚相證引坐繫者甚衆后慮其多濫乘間言及惻然帝感悟之夜起彷徨爲思所納卒多有所降宥時諸將奏事及公卿較議難平者帝數以試后后輒分解起理各得其情每於待執之際輒言及政事多所毗補而未嘗以家私干故寵敬日隆始終無衰及帝崩肅宗卽位尊后曰皇太后諸貴人當徙居南宮太后感析別之懷各賜王赤綬加安車駟馬白越三千端雜帛二千匹黃金十斤自撰顯宗起居注削去兄防參醫藥事帝請曰黃門舅且夕供養且一年既無裒異又不錄勤勞無乃過乎太后曰吾不欲令後世聞先帝數親后宮之家故不著也建初元年欲封爵諸舅太后不聽明年夏大旱言事者以爲不封外戚之故有司因此上奏宜依舊典太后詔曰凡言事者皆欲媚朕以要福耳昔王氏五侯同日俱封其時黃霧四塞不聞澍雨之應又田蚡寶嬰寵貴橫恣傾覆之禍爲世所傳故先帝防慎舅氏不令在樞機之位諸子之封裁令半楚淮陽諸國常謂我子不當與先帝子等今有司奈何欲以馬氏比陰氏乎吾爲天下母而身服大練食不求甘左右但著帛布無香熏之飾者欲身率下也以爲外親見之當傷心自勅但笑言太后素好儉前過濯龍門上見外家問起居者車如流水馬如游龍倉頭衣絲襪領袖正白顧視御者不及遠矣故不加譴怒但絕歲用而已冀以默愧其心而猶懈怠無憂國忘家之感知臣莫若君况親屬乎吾豈可上負先帝之旨下虧先人之德重襲西京敗亡之禍哉固不許帝省詔悲歎復重請曰漢興舅氏之封侯猶皇子之爲王也太后誠存

諫虛奈何令臣獨不加恩三舅乎且衛尉年尊兩校尉有大病如令不諱使臣長抱刻骨之恨宜及吉時不可稽留太后報曰吾反覆念之思令兩善豈徒欲獲諫諫之名而使帝受不外施之嫌哉昔實太后欲封王皇后之兄丞相條侯言受高祖約無軍功非劉氏不侯今馬氏無功於國豈得與陰郭中興之后等邪嘗觀富貴之家祿位重疊猶再實之木其根必傷且人所以願封侯者欲上奉祭祀下求溫飽耳今祭祀則受四方之珍衣食則蒙御府餘資斯豈不足而必當得一縣乎吾計之孰矣勿有疑也夫至孝之行安親爲上今數遭變異數倍憂懼晝夜不安坐臥而欲先營外封違慈母之拳拳乎吾素剛急有伺中氣不可不順也若陰陽調和邊境清靜然後行子之志吾但當含飴弄孫不能復關政矣時新平主家御者失火延及北閣後殿太后以爲己過起居不歡時當調原陵自引守備不愼慙見陵園遂不行初太夫人葬起墳徵高太后以爲言兄廖等即時減削其外親有諫素義行者輒假借溫言賞以財位如有纖介則先見嚴格之色然後加譴其美車服不軌法度者便絕屬籍遣歸田里廣平鉅鹿樂成王車騎樸素無金銀之飾帝以白太后太后即賜錢各五百萬於是內外從化被服如一諸家惶恐倍於永平時乃置織室置於濯龍中數往觀視以爲娛樂常與帝旦夕言道政事及教授諸小王論語經書述敘平生雍和終日四年天下豐稔方垂無事帝遂封三舅廖防光爲列侯並辭讓願就關內侯太后聞之曰聖人設教各有其方知人情性莫能齊也吾少壯時但慕竹帛

志不顧命今雖已老而復戒之在得故日夜惕厲思自降損居不求安食不飽念飽冀乘此道不負先帝所以化導兄弟共同斯志欲令瞑目之日無所復恨何意老志復不從哉萬年之日長恨矣廖等不得已受封爵而退位歸第焉太后其年寢疾不信巫祝小醫數勅絕禱祀至六月崩在位二十三年年四十餘合葬顯節陵

章帝實皇后

按後漢書后紀章德實皇后諱某扶風平陵人大司徒融之曾孫也祖穆父勳生事在實傳勳尚東海恭王彊女沘陽公主后其長女也家既廢壞數呼相工問息耗見后者皆言當大尊貴非臣妾容貌年六歲能書親家皆奇之建初二年后與女弟俱以選例入見長樂宮進止有序風容甚盛肅宗先聞后有才色數以訊諸姬傳及見雅以爲美馬太后亦異焉因入掖庭見於北宮章德殿后性敏給傾心承接稱譽日聞明年遂立爲皇后妹爲貴人七年追爵諡后父勳爲安成思侯后寵幸殊特專固後宮初宋貴人生皇太子慶貴人生和帝后既無子並疾忌之數間於帝漸致疎嫌因誣宋貴人挾邪媚道遂自殺廢慶爲清河王語在慶傳梁貴人者褒親愍侯梁竦之女也少失母爲伯母舞陰長公主所養年十六亦以建初二年與中姊俱選入掖庭爲貴人四年生和帝后養爲己子欲專名外家而忌梁氏八年乃作飛書以陷竦竦坐誅貴人姊妹以憂卒自是宮房樸息后愛日隆及帝崩和帝即位尊后爲皇太后皇太后臨朝尊母沘陽公主爲長公主益湯沐邑三千戶兄

憲弟篤景並顯貴擅威權後遂密謀不軌永元四年發覺被誅九年太后崩未及葬而梁貴人姊嫺上書陳貴人枉歿之狀太尉張酺司徒劉方司空張奮上奏依光武黜呂太后故事貶太后尊號不宜合葬先帝百官亦多上言者帝手詔曰實氏雖不遵法度而太后常自減損朕奉事十年深惟大義禮臣子無貶尊上之文恩不忍難義不忍虧案前世上官太后亦無降黜其勿復議於是合葬敬陵在位十八年帝以貴人酷歿斂葬禮闕乃改殯於承光宮上尊諡曰恭懷皇后追服喪制百官縞素與姊大貴人俱葬西陵儀比敬園

和帝陰皇后

按後漢書后紀和帝陰皇后諱某光烈皇后兄執金吾識之曾孫也后少聰慧善書執永元四年選入掖庭以先后近屬故得爲貴人有殊寵八年遂立爲皇后自和熹皇后入宮愛寵稍衰數有恚恨后外祖母鄧朱出入宮掖十四年夏有言后與朱共挾巫蠱道事發覺帝遂使中常侍張慎與尚書陳褒於掖庭獄雜考案之朱及二子奉殺與后弟軼輔辭語相連及以爲祠祭祝詛大逆無道奉殺輔考死獄中帝使司徒魯恭持節賜后策上璽綬遷於桐宮以憂死立七年葬臨平亭部父特進綱自殺軼散及朱家屬徙日南比景縣宗親內外兄弟皆免官還田里永初四年鄧太后詔赦陰氏徙者悉歸故郡還其資財五百餘萬

和帝鄧皇后

按後漢書后紀和熹鄧皇后諱綏太傅禹之孫也父

訓護羌校尉母陰氏光烈皇后從弟女也。后年五歲，太傅夫人愛之，自爲剪髮。夫人年高目冥，誤傷后額，忍痛不言。左右見者怪而問之，后曰：「非不痛也。太夫人哀憐爲斷髮，難傷老人意，故忍之耳。」六歲能史書。十二通詩論語諸兄，每讀經傳輒下意難問，志在典籍，不問居家之事。母常非之曰：「汝不習女工，以供衣服，乃更務學，寧當舉博士邪？」后重違母言，書修婦業，暮誦經典。家人號曰：「諸生父訓異之事，無大小輒與詳議。」永元四年，當以選入會，訓卒后晝夜號泣，終三年不食鹽菜，憔悴毀容。親人不識之，后嘗夢捫天蕩蕩，正青若有鍾乳狀，乃仰嗽飲之，以訊諸占夢言，竟夢攀天而上，湯夢及天而晤之，斯皆聖王之前占，吉不可言。又相者見后驚曰：「此成湯之法也。」家人竊喜而不敢宣。后叔父陔言常聞活千人者，子孫有封兄訓爲謁者，使脩石臼河歲活數千人，天道可信。家必蒙福。初太傅禹歎曰：「吾將百萬之衆，未嘗妄殺一人，其後世必有興者。」七年，后復與諸家子俱選入宮，后長七尺二寸，姿顏姝麗，絕異於衆。左右皆驚，八年冬入掖庭爲貴人。時年十六，恭肅小心，動有法度。承事陰后，夙夜戰兢，接撫同列，常克己以下之。雖宮人隸役皆加恩，借帝深嘉焉。及后有疾，特令后母兄弟入親醫藥，不限以日數。后言於帝曰：「宮禁至重，而使外舍人在內省，上令陛下有幸私之議，下使賤妾復不知足之謗，上下交損，誠不願也。」帝曰：「人皆以數人爲榮，貴人反以爲憂，深自抑損，誠難及也。」每有譴會諸姬貴人，競自脩整，簪珥光采，袿裳鮮明，而后獨著素裝，服無飾，其衣有與陰后同色者，即時解易。若並時

進見，則不敢正坐，離立行，則僂身自卑。帝每有所問，常逡巡後對，不敢先陰。后言帝知后勞心曲，體歎曰：「脩德之勞，乃如是乎？」後陰后漸疎，每當御見輒辭，以疾。時帝數失皇子，后憂繼嗣不廣，恆垂涕歎息。數選進才人，以博帝意。陰后見后德稱日盛，不知所爲，遂造詛，詛欲以爲害帝，嘗寢病危甚，陰后密言：「我得意，不令鄧氏復有遺類。」后聞乃對左右流涕，言曰：「我竭誠盡心，以事皇后，竟不爲所祐，而當獲罪於天，婦人雖無從死之義，然周公身請武王之命，越姬心誓必死之分，上以報帝之恩，中以解宗族之禍，下不令陰氏有人豕之議，即欲飲藥，宮人趙玉者固禁之，因詐言屬有使來，上疾已愈，后信以爲然，乃止。明日帝果瘳，十四年夏，陰后以巫蠱事廢，后請救，不能得。帝便屬意焉，后愈稱篤疾，深自閉絕，會有司奏建長秋宮，帝曰：「皇后之尊，與朕同體，承宗廟，母天下，豈易哉？」唯鄧貴人德冠後庭，乃可當之。至冬立爲皇后，辭讓者三，然後即位。手書表謝，深陳德薄，不足以充小君之選。是時方國貢獻，競求珍麗之物，自后即位，悉令禁絕。歲時但供紙墨而已。帝每欲官爵鄧氏，后輒哀請謙讓，故兄驍終帝世不過虎賁中郎。元興元年，帝崩，長子平原王有疾，而諸皇子夭歿前後十數，後生者輒隱祕，養於人間。殤帝生始百日，后乃迎立之。尊后爲皇太后，太后臨朝，和帝葬後，宮人並歸園，太后賜周馥貴人策曰：「朕與貴人託配後庭，其歡等列，十有餘年，不復福祐。先帝早棄天下，孤心焚燒，靡所瞻仰，夙夜永懷，感憤發中，今當以舊典分歸外園，慘結增歎，燕燕之詩，曷能喻焉。其賜貴人王青蓋車采飾，輅

駿馬各一，駟黃金二十斤，雜帛三千匹，白越四千端，又賜馮貴人玉赤綬，以未有頭上步搖環珮，加賜各一具。是時新遭大憂，法禁未設，宮中亡大珠一篋，太后念欲考問，必有不辜，乃親閱宮人，觀察顏色，即時首服，又和帝幸人吉成，御者共枉吉成，以巫蠱事遂下掖庭，考訊辭證明，白太后以先帝左右待之有恩，平日尚無惡言，今反若此，不合人情，更自呼見實覈，果御者所爲，莫不歎服，以爲聖明，常以鬼神難徵，淫祀無福，乃詔有司罷諸祠官，不合典禮者，又詔赦除建武以來諸犯妖惡及馬寶家屬所被禁錮者，皆復之爲平民。減大官導官尚方內者，服御珍膳麗難成之物，自非供陵廟稻粱米，不得選擇朝夕一肉飯而已。舊大官湯官經用歲且二萬萬，太后勅止曰：「殺省珍費，自是裁數千萬，及郡國所貢，皆減其過半，悉斥賣上林鷹犬，其蜀漢鉏器九帶佩刀，並不復調止。畫工三十九種，又御府尚方織室錦繡冰紈綺縠金銀珠玉犀象璫珥彫鏤，亂弄之物，皆絕不作。離宮別館儲時米，糒薪炭，悉令省之。又詔諸園貴人，其宮人有宗室同族若羸老不任使者，令園監實覈，上名自御北宮，增喜觀閱，問之恣其去留，即日免遣者五六百人，及殤帝崩，太后定策立安帝，猶臨朝政，以連遭大憂，百姓苦役，殤帝康陵方中祕藏及諸工作，事事減約十分居一，詔告司隸校尉河南尹南陽太守曰：「每覽前代外戚賓客假借威權，輕薄諷調，至有濁亂奉公爲人，患苦咎在執法怠懈，不輒行其罰故也。今車騎將軍鸞等雖懷敬順之志，而宗門廣大，姻戚不少，賓客姦猾多干禁憲，其明加檢勅，勿相容護，自是

親屬犯罪無所假貸太后愍陰氏之罪廢赦其從者歸鄉勅還資財五百餘萬永初元年爵號太夫人爲新野君萬戶供湯沐邑二年夏京師旱親幸洛陽寺錄冤獄有囚實不殺人而被考自誣羸困與見畏吏不敢言將去舉頭若欲自訴太后察視覺之即呼還問狀具得枉實即時收洛陽令下獄抵罪行未還宮謝雨大降三年秋太后體不安左右憂惶禱請祝辭願得代命太后聞之即譴怒竊勅掖庭令以下但使謝過祈福不得妄生不祥之言舊事歲終當饗遣衛士大饗逐疫太后以陰陽不和軍旅數與詔饗會勿設戲作樂減逐疫侏子之半悉罷象象駝之屬豐年復故太后自入宮掖從曹大家受經書兼天文算數畫省王政夜則誦讀而思其謬誤懼乖典章乃博選諸儒劉珍等及博士議郎四府掾史五十餘人詣東觀讎校傳記事畢奏御賜葛布各有差又詔中官近臣於東觀受讀經傳以教授宮人左右習誦朝夕濟濟及新野君薨太后自侍疾病至平終盡憂哀毀損事加於常贈以長公主赤綬東園祕器玉衣繡衾又賜布三萬匹錢三千萬賜等遂因讓錢布不受使司空持節護喪事儀比東海恭王諡曰敬君太后諒闇既終久早太后比三日幸洛陽錄囚徒理出死罪三十六人耐罪八十人其餘減罪死右趾以下至司寇七年正月初入太廟齋七日賜公卿百僚各有差庚戌謁宗廟率命婦羣妾相禮儀與皇帝交獻親薦成禮而還因下詔曰凡供薦新味多非其節或鬱養強執或穿掘萌芽味無所至而夭折生長豈所以順時育物乎傳曰非其時不食自今當奉祠陵廟及給御

者皆須時乃上凡所省二十三種自太后臨朝水旱十載四夷外侵盜賊內起每聞人饑或達旦不寐而躬自減徹以救災阨故天下復平歲還豐稌元初五年平望侯劉毅以太后多德政欲令早有注記上書安帝曰臣聞易載義農而皇德著書述唐虞而帝道崇故雖聖明必書功於竹帛流音於管絃伏惟皇太后膺大聖之姿體乾坤之德齊蹤虞妃比跡任姁孝悌慈仁允恭節約杜絕奢盈之源防抑逸欲之兆正位內朝流化四海及元興延平之際國無儲副仰觀乾象參之人譽援立陛下爲天下主永安漢室綏靜四海又遭水潦東州饑荒垂恩元元冠蓋交路非薄衣食躬率羣下損膳解驂以瞻黎苗惻隱之恩猶視赤子克己引愆顯揚仄陋崇晏晏之政敷在寬之教興滅國繼絕世錄功臣復宗室追還徙人蠲除禁錮政非惠和不圖於心制非舊典不訪於朝弘德洋溢充塞宇宙洪澤豐沛漫衍八方華夏樂化戎狄混并丕功著於大漢碩惠加於生人巍巍之業可聞而不可及蕩蕩之勳可誦而不可名古之帝王左右置史漢之舊典世有注紀夫道有夷崇治有進退若善政不述細異輒書是爲堯湯負洪水大旱之責而無咸熙假天之美高宗成王有雉雉迅風之變而無中興康寧之功也上考詩書有虞二妃周室三母修行佐德思不踰閭未有內遭家難外遇災害覽總大麓經營天物功德巍巍若茲者也宜令史官著長樂宮注聖德頌以敷宣景耀勳勳金石縣之日月據之罔極以崇陛下烝烝之孝帝從之六年太后詔徵和帝弟濟北河間王子男女年五歲以上四十餘人又鄧氏

近親子孫三十餘人並爲開邸第教學經書躬自監試尚幼者使置師保朝夕入宮撫循誨導恩愛甚渥乃詔從兄河南尹豹越騎校尉康等曰吾所以引納羣子置之學官者實以方今承百王之敝時俗淺薄巧僞滋生五經衰缺不有化導將遂陵遲故欲褒崇聖道以匡失俗傳不云乎飽食終日無所用心難矣哉今末世貴戚食祿之家溫衣美飯乘堅驅良而面牆術學不識臧否斯故禍敗所從來也永平中四姓小侯皆令入學所以矯俗厲薄反之忠孝先公既以武功書之竹帛兼以文德教化子孫故能束修不觸羅網誠令兒曹上述祖考休烈下念諸書本意則足矣其勉之哉康以太后久臨朝政心懷畏懼託病不朝太后使內人問之時宮婢出入多能有所毀譽其者宿者皆稱中大人所使者乃康家先婢亦自通中大人康聞詔之曰汝我家出爾敢爾邪婢怒還說康詐疾而言不遜太后遂免康官遣歸國絕屬籍永寧二年二月寢病漸篤乃乘輦於前殿見侍中尚書因北至太子新所繕宮還大赦天下賜諸園貴人王主羣僚錢布各有差詔曰朕以無德託母天下而薄祐不天早離大憂延平之際海內無主元元厄運危如累卵勤勤苦心不敢以萬乘爲樂上欲不欺天愧先帝下不違人負宿心誠在濟度百姓以安劉氏自謂感徹天地當蒙福祚而喪禍內外傷痛不絕頃以廢病沈滯久不侍祠自力上原陵加款逆唾血遂至不解存亡大分無可奈何公卿百官其勉盡忠恪以輔朝廷三月崩在位二十年年四十一合葬順陵安帝閔皇后

按後漢書后紀安思閭皇后諱姬河南滎陽人也祖父章永平中爲尚書以二妹爲貴人章精力曉舊典久次當遷以重職顯宗爲後宮親屬竟不用出爲步兵校尉章生暢暢生后有才色元初元年以選入掖庭甚見寵愛爲貴人二年立爲皇后后專房妒忌帝幸宮人李氏生皇子保遂燭殺李氏三年以后父侍中暢爲長水校尉封北宜春侯食邑五千戶四年暢卒諡曰文侯子顯嗣建光元年鄧太后崩帝始親政事顯及弟景耀晏並爲卿校典禁兵延光元年更封顯長社縣侯食邑萬三千五百戶追尊后母宗爲滎陽君顯景諸子年皆童亂並爲黃門侍郎后寵既盛而兄弟頗與朝權后遂與大長秋江京中常侍樊豐等共譖皇太子保廢爲濟陰王四年春后從帝幸章陵帝道疾崩於葉縣后顯兄弟及江京樊豐等謀曰今晏駕道次濟陰王在內邇近公卿立之還爲大害乃僞云帝疾甚徙御臥車行四日驅馳還宮明日詐遣司徒劉喜詣郊廟社稷告天請命其夕乃發喪尊后曰皇太后皇太后臨朝以顯爲車騎將軍儀同三司太后欲久專國政食立幼年與顯等定策禁中迎濟北惠王子北鄉侯懿立爲皇帝顯忌大將軍耿寶位尊權重威行前朝乃風有司奏寶及其黨與中常侍樊豐虎賁中郎將謝暉憚弟侍中篤篤弟大將軍長史宓侍中周廣阿母野王君王聖聖女末末婿黃門侍郎樊豐等更相阿黨互作威福探刺禁省更爲唱和皆大不道豐暉廣皆下獄死家屬徙比景宓嚴減死髡鉗貶寶爲則亭侯遣就國自殺王聖母子徙鴈門於是景爲衛尉耀城門校尉晏執金吾兄弟

權要威福自由少帝立二百餘日而疾篤顯兄弟及江京等皆在左右京引顯屏語曰北鄉侯病不解國嗣宜時有定前不用濟陰王今若立之後必當怨又何不早徵諸王于簡所置乎顯以爲然及少帝薨京白太后徵濟北河間王于不至而中黃門孫程合謀殺江京等立濟陰王是爲順帝顯景晏及黨與皆伏誅遷太后於離宮家屬徙比景明年太后崩在位十二年合葬恭陵帝母李氏薨在洛陽城北帝初不知莫敢以聞及太后崩左右白之帝感悟發哀親到瘞所更以禮殯上尊諡曰恭愍皇后葬恭北陵爲策書金匱藏於世祖廟順帝梁皇后

按後漢書后紀順烈梁皇后諱嬀大將軍商之女恭懷皇后弟之孫也后生有光景之祥少善女工好史書九歲能誦論語治韓詩大義略舉常以列女圖畫置於左右以自監戒父商深異之竊謂諸弟曰我先人全濟河西所活者不可勝數雖大位不究而積德必報若慶流子孫者儻與此女乎永建三年與姑俱選入掖庭時年十三相工茅通見后驚再拜賀曰此所謂日角偃月相之極貴臣所未嘗見也太史上兆得壽房又筮得坤之比遂以爲貴人常特被引御從容辭於帝曰夫陽以博施爲德陰以不專爲義蓋斯則百福之所由興也願陛下思雲雨之均澤識貫魚之次序使小妾得免罪謗之累由是帝加敬焉陽嘉元年春有司奏立長秋宮以乘氏侯商先帝外戚春秋之義娶先大國梁小貴人宜配天祚正位坤極帝從之乃於壽安殿立貴人爲皇后后既少聰惠深覽

前世得失雖以德進不敢有驕專之心每日月見譴輒降服求愆建康元年帝崩后無子美人虞氏子炳立是爲冲帝尊后爲皇太后太后臨朝冲帝尋崩復立質帝猶秉朝政時揚徐劇賊寇擾州郡西羌鮮卑及日南蠻夷攻城暴掠賦斂煩數官民困竭太后夙夜勤勞推心仗賢委任太尉李固等拔用忠良務崇節儉其貪叨罪惡多見誅廢分兵討伐羣寇消夷故海內肅然宗廟以寧而兄大將軍冀燭殺質帝專權暴濫忌害忠良數以邪說疑誤太后遂立桓帝而誅李固太后又溺於宦官多所封寵以此天下失望和平元年春歸政於帝太后寢疾遂篤乃御輦幸宣德殿見宦官屬及諸梁兄弟詔曰朕素有心下結氣從間以來加以浮腫逆害飲食浸以沈困比使內外勞心請禱私自付度日夜虛劣不能復與羣公卿士共相終竟援立聖嗣恨不久育養見其終始今以皇帝將軍兄弟委付股肱其各自勉焉後二日而崩在位十九年年四十五合葬憲陵按胡廣傳廣遷尚書僕射順帝欲立皇后而貴人有寵者四人莫知所建議欲探籌以神定選廣與尚書郭虔史敞上疏諫曰竊見詔書以立后事大謙不自專欲假之籌策決疑靈神篇籍所記祖宗典故未嘗有也特神任筮既不必當賢就值其人猶非德選夫岐嶷形於自然倪天必有異表宜參良家簡求有德德同以年年鈞以貌稽之典經斷之聖慮政令猶汗往而不反詔文一下形之四方臣職在拾遺憂深責重是以焦心冒昧陳聞帝從之以梁貴人良家子定立爲皇后

孝崇惠皇后

按後漢書后紀孝崇惠皇后諱明為蠡吾侯翼媵妾生桓帝桓帝即位明年追尊翼為孝崇皇陵曰博陵以后為博園貴人和平元年梁太后崩乃就博陵尊后為孝崇皇后遣司徒持節奉策授璽綬乘輿器服備法物官曰永樂置太僕少府以下皆如長樂宮故事又置虎賁羽林衛士起宮室分鉅鹿九縣為后湯沐邑在位二年元嘉二年崩以帝弟平原王石為喪主斂以東園畫梓壽器玉匣飯含之具禮儀制度比恭懷皇后使司徒持節大長秋奉弔祠賻錢四千萬布四萬匹中謁者僕射典護喪事侍御史護大駕鹵簿詔安平王豹河間王建渤海王慆長社益陽二長公主與諸國侯三百里內者及中二千石二千石令長相皆會葬將作大匠復土繕廟合葬博陵

桓帝梁皇后

按後漢書后紀桓帝懿獻梁皇后諱女瑩順烈皇后之女弟也帝初為蠡吾侯梁太后徵欲與后為婚未及嘉禮會質帝崩因以帝立明年有司奏太后曰春秋迎王后於紀在塗則稱后今大將軍冀女弟膺紹聖善結婚之際有命既集宜備禮章時進徵幣請下三公太常案禮儀奏可於是悉依孝惠皇帝納后故事聘黃金二萬斤納采馬璧乘馬束帛一如舊典建和元年六月始入掖庭八月立為皇后時太后秉政而梁冀事朝故后獨得寵幸自下莫得進見后藉姊兄蔭執態極奢靡宮幄彫麗服御珍華巧飾制度兼倍前世及皇太后崩恩愛稍衰后既無子潛懷怨忌每宮人孕育鮮得全者帝雖迫畏梁冀不敢譴怒然

見御轉稀至延熹二年后以憂悲崩在位十三年葬懿陵其歲誅梁冀廢懿陵為貴人冢焉

桓帝鄧皇后

按後漢書后紀桓帝鄧皇后諱猛女和熹皇后從兄子鄧香之女也母宣初適香生后改嫁梁紀紀者大將軍梁冀妻孫壽之舅也后少孤隨母為居因冒姓梁氏冀妻見后貌美永與中進入掖庭為采女絕幸明年封兄鄧演為南頓侯位特進演卒子康嗣及懿獻后崩梁冀誅立后為皇后帝惡梁氏改姓為薄封后母宣為長安君四年有司奏后本郎中鄧香之女不宜改易它姓於是復為鄧氏追封贈香車騎將軍安陽侯印綬更封宣康大縣宣為昆陽君康為泚陽侯賞賜巨萬計宣卒贈葬禮皆依后母舊儀以康弟統襲封昆陽侯位侍中統從兄會襲安陽侯為虎賁中郎將又封統弟秉為清陽侯宗族皆列校郎將帝多內幸博採宮女至五六千人及驅役從使復兼倍於此而后恃尊驕忌與帝所幸郭貴人更相譖訴八年詔廢后送暴室以憂死立七年葬於北邙從父河南尹萬世及會皆下獄死統等亦繫暴室免官爵歸本郡財物沒入縣官

桓帝竇皇后

按後漢書后紀桓思竇皇后諱妙章德皇后從祖弟之孫女也父諱武延熹八年鄧皇后廢后以選入掖庭為貴人其冬立為皇后而御見甚稀帝所寵唯采女田聖等永康元年冬帝寢疾遂以聖等九女皆為貴人及崩無嗣后為皇太后太后臨朝定策立解讀亭侯宏是為靈帝太后素忌忍積怒田聖等桓帝梓

宮尚在前殿遂殺田聖又欲盡誅諸貴人中常侍曹霸蘇康苦諫乃止時太后父大將軍武謀誅宦官而中常侍曹節等矯詔殺武還太后於南宮雲臺家屬徙比景氏雖誅帝猶以太后有援立之功建寧四年十月朔率羣臣朝於南宮親饋上壽黃門令董萌因此數為太后訴怨帝深納之供養奉有加於前中常侍曹節王甫疾萌附助太后誣以謗訕未樂官崩坐下獄死熹平元年太后母卒於比景后感疾而崩立七年合葬宣陵

孝仁董皇后

按後漢書后紀孝仁董皇后諱某河間人為解渚亭侯其夫人生靈帝建寧元年帝即位追尊其為孝仁皇陵曰慎陵以后為慎園貴人及竇氏誅明年帝使中常侍迎貴人并徵貴人兄寵到京師上尊號曰孝仁皇后居南宮嘉德殿官稱永樂拜寵執金吾後坐矯稱永樂后屬請下獄死及竇太后崩始與朝政使帝賣官求貨自納金錢盈滿堂室中平五年以后兄子衛尉脩侯重為驃騎將軍領兵千餘人初后自養皇子協數勸帝立為太子而何皇后恨之議未及定而帝崩何太后臨朝重與太后兄大將軍進權執相害后每欲參干政事太后輒相禁塞后忿悲言曰汝今勸張怙汝兄耶當勸驃騎斷何進頭來何太后聞以告進進與三公及弟車騎將軍苗等奏孝仁皇后使故中常侍夏惲永樂太僕封誨等交通州郡辜較在所珍寶貨賂悉入西省蕃后故事不得留京師輿服有章膳羞有品請永樂后遷宮本國奏可何進遂舉兵圍驃騎府收重免官自殺后憂怖疾病暴

崩在位二十二年民間歸咎何氏喪還河間合葬懷陵

靈帝宋皇后

按後漢書后紀靈帝宋皇后諱某扶風平陵人也肅宗宋貴人之從曾孫也建寧三年選入掖庭爲貴人明年立爲皇后父鄴執金吾封不其鄉侯后無寵而居正位後宮幸姬衆共譖毀初中常侍王甫枉誅勃海王愷及妃宋氏妃即后之姑也甫恐后怨之乃與大中大夫程阿共構言皇后挾左道祝詛帝信之光和元年遂策收璽綬后自致暴室以憂死在位八年父及兄弟並被誅諸常侍小黃門在省閤者皆憐宋氏無辜共合錢物收葬廢后及鄴父子歸宋氏舊塋皇門亭帝後夢見桓帝怒曰宋皇后有何罪過而聽用邪孽使絕其命勃海王愷既已自貶又受誅斃今宋氏及愷自訴於天上帝震怒罪在難救夢殊明察帝既覺而恐以事問於羽林左監許永曰此何祥其可禳乎永對曰宋皇后親與陛下共承宗廟母臨萬國歷年已久海內蒙化過惡無聞而虛聽讒妒之說以致無辜之罪身嬰極誅禍及家族天下臣妾咸爲怨痛勃海王愷桓帝母弟也處國奉藩未嘗有過陛下曾不證審遂伏其辜昔晉侯失刑亦夢大厲被髮屬地天道明察鬼神難誣宜并改葬以安冤魂反宋后之徙家復勃海之先封以消厥咎帝弗能用尋亦崩焉

靈帝何皇后

按後漢書后紀靈思何皇后諱某南陽宛人家本屠者以選入掖庭長七尺一寸生皇子辯養於史道人

家號曰史侯拜后爲貴人甚有寵幸性彊忌後宮莫不震懾光和三年立爲皇后明年追號后父眞爲車騎將軍舞陽宣德侯因封后母與爲舞陽君時王美人任娠畏后乃服藥欲除之而胎安不動又數夢負日而行四年生皇子協后遂就殺美人帝大怒欲廢后諸宦官固請得止董太后自養協號曰董侯中平六年帝崩皇子辯即位尊后爲皇太后太后臨朝后兄大將軍進欲誅宦官反爲所害舞陽君亦爲亂兵所殺并州牧董卓被徵將兵入洛陽廢后朝廷遂廢少帝爲弘農王而立協是爲獻帝扶弘農王下殿北面稱臣太后餽涕羣臣含悲莫敢言董卓又議太后馭迫永樂宮至令憂死逆婦姑之禮乃遷於永安宮因進醢弑而崩在位十年董卓令帝出奉常亭舉哀公卿皆白衣會不成喪也合葬文昭陵初太后新立當謁二祖廟欲齋輒有變故如此者數竟不克時有識之士心獨怪之後遂因何氏傾沒漢祚焉

獻帝伏皇后

按後漢書后紀獻帝伏皇后諱壽琅邪東武人大司徒湛之八世孫也父完沈深有度大度襲爵不其侯尚桓帝女陽安公主爲侍中初平元年從大駕西遷長安后時入掖庭爲貴人興平二年立爲皇后完遷執金吾帝尋而東歸李傕郭汜等追敗乘輿於曹陽帝乃潛夜渡河走六宮皆步行出營后手持繖數匹董承使符節令孫徽以刃督奪之殺旁侍者血濺后衣既至安邑御服穿敝唯以棗栗爲糧建安元年拜完輔國將軍儀比三司完以政在曹操自嫌尊威乃上印綬拜中散大夫尋遷屯騎校尉十四年卒子興嗣

自帝都許守位而已宿衛兵侍莫非曹氏黨舊姻戚議郎趙彥嘗爲帝陳言時策曹操惡而殺之其餘內外多見誅戮操後以事入見殿中帝不任其憤因曰君若能相輔則厚不爾幸垂恩相捨操失色俛仰求右汗流浹背自後不敢復朝請董承女爲貴人操誅承而求貴人殺之帝以貴人有姓累爲請不能得后自是懷懼乃與父完書言曹操殘逼之狀令密圖之完不敢發至十九年事乃露洩操追大怒遂逼帝廢后假爲策曰皇后壽得由卑賤登顯尊極自處椒房二紀於茲既無任嫺微音之美又乏謹身養己之福而陰懷妒害包藏禍心弗可以承天命奉祖宗今使御史大夫郝應持節策詔其上皇后璽綬退避中宮遷於它館嗚呼傷哉自壽取之未致於理爲幸多焉又以尚書令華歆爲都慮副勒兵入宮收后閉戶藏壁中歆就牽后出時帝在外殿引慮於坐后被髮徒跣行泣過訣曰不能復相活邪帝曰我亦不知命在何時顧謂慮曰郝公天下寧有是邪遂將后下暴室以幽崩所生二皇子皆就殺之后在位二十年兄弟及宗族死者百餘人母盈等十九人徙涿郡

獻帝曹皇后

按後漢書后紀獻穆曹皇后諱節魏公曹操之中女也建安十八年操進三女憲節華爲夫人聘以束帛元纁五萬匹小者待年於國十九年並拜爲貴人及伏皇后被弑明年立節爲皇后魏受禪遣使求璽綬后怒不與如此數輩后乃呼使者入親數讓之以璽綬低軒下因涕泣橫流曰天不祚爾左右皆莫能仰

祔后在位七年魏氏既立以后為山陽公夫人自後四十一年魏景初元年薨合葬祔陵車服禮儀皆依漢制

先主甘皇后

按蜀志后妃傳先主甘皇后沛人也先主臨豫州住小沛納以為妾先主數喪嫡室常攝內事隨先主於荊州產後主值曹公軍至追及先主於當陽長阪於時困逼棄后及後主賴趙雲保護得免於難后卒葬於南郡章武二年追諡皇思夫人遷葬於蜀未至而先主殂隕丞相亮上言皇思夫人履行修仁淑慎其身大行皇帝昔在上將嬪配作合載育聖躬大命不融大行皇帝存時篤義垂恩念皇思夫人神柩在遠飄飄特遣使者奉迎會大行皇帝崩今皇思夫人神柩以到又梓宮在道園陵將成安厝有期臣輒與太常臣賴恭等議禮記曰立愛自親始教民孝也立敬自長始教民順也不忘其親所由生也春秋之義母以子貴昔高皇帝追尊太上昭靈夫人為昭靈皇后孝和皇帝改葬其母梁貴人尊號曰恭懷皇后孝愍皇帝亦改葬其母王夫人尊號曰靈懷皇后今皇思夫人宜有尊號以慰寒泉之思輒與恭等案諡法宜曰昭烈皇后詩曰穀則異室死則同穴故昭烈皇后宜與大行皇帝合葬臣請太尉告宗廟布露天下具禮儀別奏制曰可

先主穆皇后

按蜀志后妃傳先主穆皇后陳留人也兄吳壹少孤宣父素與劉焉有舊是以舉家隨焉入蜀焉有異志而聞善相者相后當大貴焉時將子琰自隨遂為琰

納后琰死后寡居先主既定益州而孫夫人還吳羣下勸先主聘后先主疑與琰同族法正進曰論其親疎何與晉文之於子圉乎於是納后為夫人建安二十四年立為漢中王后章武元年夏五月策曰朕承天命奉至尊臨萬國今以后為皇后遣使持節丞相亮授璽綬承宗廟母天下皇后其敬之哉建興元年五月後主即位尊后為皇太后稱長樂宮壹官至車騎將軍封縣侯延熙八年后薨合葬惠陵

後主張皇后

按蜀志后妃傳後主敬哀皇后車騎將軍張飛長女也章武元年納為太子妃建興元年立為皇后十五年薨葬南陵

後主張皇后

按蜀志后妃傳後主張皇后前后敬哀之妹也建興十五年入為貴人延熙元年春正月策曰朕統承大業君臨天下奉郊廟社稷今以貴人為皇后使行丞相事左將軍向朗持節授璽綬勉修中饋恪肅禮祀皇后其敬之哉咸熙元年隨後主遷於洛陽

欽定古今圖書集成明倫彙編宮闈典

第三十三卷目錄

皇后部列傳四

魏

武帝十皇后

文帝郭皇后

明帝郭皇后

吳

吳主步皇后

吳主王皇后

孫亮全皇后

孫皓滕皇后

晉

宣帝張皇后

景帝羊皇后

武帝楊皇后

惠帝賈皇后

元帝虞皇后

成帝杜皇后

穆帝何皇后

廢帝庾皇后

孝武帝王皇后

恭帝褚皇后



宮闈典第三十三卷

皇后部列傳四

魏

武帝十皇后

按魏志后妃傳武宣十皇后琅邪開陽人文帝母也本倡家年二十太祖於譙納后爲妾後隨太祖至洛及董卓爲亂太祖微服東出避難袁術傳太祖凶問時太祖左右至洛者皆欲歸后止之曰曹君吉凶未可知今日還家明日若何在而目復相見也正使禍至共死何苦遂從后言太祖聞而善之建安初丁夫人廢遂以后爲繼室諸子無母者太祖皆令后養之文帝爲太子左右長御賀后曰將軍拜太子天下莫不歡喜后當傾府藏賞賜后曰王自以不年大故用爲嗣我但當以免無教導之過爲幸耳亦何爲當重賜遺乎長御還具以語太祖太祖悅曰怒不變容喜不失節故是最爲難二十四年拜爲王后策曰夫人十氏撫養諸子有母儀之德今進位王后太子諸侯陪位羣卿上壽減國內死罪一等二十五年太祖崩文帝即王位尊后曰王太后及踐阼尊后曰皇太后稱永壽宮明帝即位尊太后曰太皇太后黃初中文帝欲追封太后父母尚書陳羣奏曰陛下以聖德應運受命創業革制當永爲後式案典籍之文無婦人分土命爵之制在禮典婦因夫爵秦遠古法漢氏因之非先王之令典也帝曰此議是也其勿施行以作著詔下藏之臺閣永爲後式至太和四年春明帝乃追諡太后祖父廣曰開陽恭侯父遠曰敬侯祖母周封陽都君及恭侯夫人皆贈印綬其年五月后崩七

月合葬高陵初太后弟秉以功封都鄉侯黃初七年進封開陽侯邑千二百戶爲昭烈將軍秉薨子蘭嗣少有才學爲奉車都尉游擊將軍加散騎常侍蘭薨子暉嗣又分秉爵封蘭弟琳爲列侯官至步兵校尉蘭子隆女爲高貴鄉公皇后隆以后父爲光祿大夫位特進封睢陽鄉侯妻王爲顯陽鄉君追封隆前妻劉爲順陽鄉君后親母故也琳女又爲陳留王皇后時琳已沒封琳妻劉爲廣陽鄉君按注魏書曰后以漢延熹三年十二月己巳生齊郡白亭有黃氣滿室移日父敬侯怪之以問卜者王旦旦曰此吉祥也后性約儉不尚華麗無文繡珠玉器皆黑漆太祖常得名瑞數具命后自選一具后取其中者太祖問其故對曰取其上者爲貪取其下者爲僞故取其中者按注魏略曰太祖始有丁夫人又劉夫人生子脩及清河長公主劉早終丁養子脩子脩亡於穰丁常言將我兒殺之都不復念遂哭泣無節太祖忿之遣歸家欲其意折後太祖就見之夫人方織外人傳云公至夫人踞機如故太祖到撫其背曰顧我共載歸乎夫人不顧又不應太祖却行立於戶外復云得無尚可邪遂不應太祖曰真訣矣遂與絕欲其家嫁之其家不敢初丁夫人既爲嫡加有子脩丁視后母子不足后爲繼室不念舊惡因太祖出行常四時使人饋遺又私迎之延以止坐而已下之迎來送去有如昔日丁謝曰廢放之人夫人何能常爾邪其後丁亡后請太祖殯葬許之乃葬許城南後太祖病困自慮不起歎曰我前後行意於心未曾有所負也假令死而

有靈子脩若問我母所在我將何辭以答

文帝甄皇后

按魏志后妃傳文昭甄皇后中山無極人明帝母漢太保甄邯後也世更二千石父逸上蔡令后三歲失父後天下兵亂加以饑饉百姓皆賣金銀珠玉寶物時后家大有儲穀頗以買之后年十餘歲白母曰今世亂而多買寶物匹夫無罪懷寶爲罪又左右皆饑乏不如以穀振給親族鄰里廣爲恩惠也舉家稱善即從后言建安中袁紹爲中子熙納之熙出爲幽州后留養姑及冀州平文帝納后於鄴有寵生明帝及東鄉公主延康元年正月文帝卽王位六月南征后留鄴黃初元年十月帝踐阼踐阼之後山陽公奉二女以嬪于魏郭后李陰貴人並受幸后愈失意有怨言帝大怒二年六月遣使賜死葬於鄴明帝卽位有司奏請追諡使司空王朗持節奉策以太牢告祠於陵又別立寢廟太和元年三月以中山魏昌之安城鄉戶千追封逸諡曰敬侯適孫像襲爵四月初營宗廟掘地得玉璽方一寸九分其文曰天子羨思慈親明帝爲之改容以太牢告廟又嘗夢見后於是差次舅氏親疏高下叙用各有差賞賜累鉅萬以像爲虎賁中郎將是月后母薨帝制總服臨喪百僚陪位四年十一月以后舊陵庫下使像兼太尉持節詣鄴昭告后土十二月改葬朝陽陵像還還散騎常侍青龍二年春追諡后兄儼曰安城鄉穆侯夏吳賊寇揚州以像爲伏波將軍持節監諸將東征還復爲射聲校尉三年薨追贈衛將軍改封魏昌縣諡曰貞侯子暢嗣又封暢弟溫韞豔皆爲列侯四年改逸儼本封皆

曰魏昌侯諡因故封儼世婦劉爲東鄉君又追封逸世婦張爲安喜君景初元年夏有司議定七廟冬又奏曰蓋帝王之興既有受命之君又有聖妃協於神靈然後克昌厥世以成王業焉昔高辛氏卜其四妃之子皆有天下而帝摯陶唐商周代興周人上推后稷以配皇天追述王初本之姜嫄特立宮廟世世享嘗周禮所謂奏夷則歌中呂舞大濩以享先妣者也詩人頌之曰厥初生民時維姜嫄言王化之本生民所由又曰閔宮有恤實實枚枚赫赫姜嫄其德不同詩禮所稱姬宗之盛其美如此大魏期運繼於有虞然崇弘帝道三代彌隆廟祧之數實與周同今武宣皇后文德皇后各配無窮之祚至於文昭皇后膺天靈符誕育明聖功濟生民德盈宇宙開諸後嗣乃道化之所興也寢廟特祀亦姜嫄之閔宮也而未著不毀之制懼論功報德之義萬世或闕焉非所以昭孝示後世也文昭廟宜世世享祀奏樂與祖廟同永著不毀之典以播聖善之風於是與七廟議並勒金策藏之金匱帝思舅氏不已暢尚幼景初末以暢爲射聲校尉加散騎常侍又特爲起大第車駕親自臨之又於其後園爲像母起觀廟名其里曰渭陽里以追思母氏也嘉平三年正月暢薨追贈車騎將軍諡曰恭侯子紹嗣太和六年明帝愛女淑薨追封諡淑爲平原懿公主爲之立廟取后亡從孫黃與合葬追封黃列侯以夫人郭氏從弟惠爲之後承甄氏姓封惠爲平原侯襲公主爵青龍中又封后從兄子毅及像弟三人皆爲列侯毅數上疏陳時政官至越騎校尉嘉平中復封暢子二人爲列侯后兄儼孫女爲齊

王皇后父已沒封后母爲廣樂鄉君

按注魏書曰逸娶常山張氏生三男五女長男豫早終次儼舉孝廉大將軍掾曲梁長次堯舉孝廉長女姜次脫次道次榮次卽后后以漢光和五年十二月丁酉生每寢寐家中髣髴見如有人持玉衣覆其上者常共怪之逸薨加號墓內外益奇之後相者劉良相后及諸子良指后曰此女貴乃不可言后自少至長不好戲弄年八歲外有立騎馬戲者家人諸姊皆上閣觀之后獨不行諸姊怪問之后答言此豈女人之所觀耶年九歲喜書視字輒識數用諸兄筆視兄謂后曰汝當習女工用書爲學當作女博士邪后答言聞古者賢女未有不學前世成敗以爲己誠不知書何由見之邪后寵愈隆而彌自挹損後宮有寵者勸勉之其無寵者慰誨之每因閑宴常勸帝言昔黃帝子孫蕃育蓋由姜媿衆多乃獲斯祚耳所願廣求淑媛以豐繼嗣帝心嘉焉其後帝欲遣任氏后請於帝曰任氏鄉黨名族德色妾等不及也如何遣之帝曰任性狷急不婉順前後忿吾非一是以遣之耳后流涕固請曰妾受敬遇之恩衆人所知必謂任之出是妾之由上懼有見私之譏下受專寵之罪願重留意帝不聽遂出之十六年十月太祖征關中武宣皇后從留孟津帝居守鄴時武宣皇后體小不安后不得定省憂怖晝夜泣涕左右驟以差問告后猶不信曰夫人在家故疾每動輒歷時今疾便差何速也此欲慰我意耳憂愈甚後得武宣皇后還書說疾已平復后乃懼悅十七年正月大軍還鄴后朝武宣皇后望幄座悲喜感動左右武宣皇后見后如此亦泣且

謂之曰新婦謂吾前病如昔時困邪吾時小小耳十餘日即差不當視我顏色乎嗟嘆曰此真孝婦也二十一年十月太祖東征武宣皇后文帝及明帝東鄉公主皆從時后以病留鄴二十二年九月大軍還武宣皇后左右侍御見后顏色豐盈怪問之曰后與一子別久下流之情不可為念而后顏色更盛何也后笑答之曰諱等自隨夫人我當何憂后之賢明以禮自持如此有司奏建長秋宮帝璽書迎后詣行在所后上表曰妾聞先代之興所以饗國久長垂祚後嗣無不由后妃焉故必審選其人以興內教今踐阼之初誠宜登進賢淑統理六宮妾自省愚陋不任榮盛之事加以寢疾敢守微志璽書三至而后三讓言甚懇切時盛暑帝欲須秋涼乃更迎后會后疾遂篤夏六月丁卯崩於鄴帝哀痛咨嗟策贈皇后璽綬臣松之以為春秋之義內大惡諱小惡不書文帝之國立甄氏及加殺害事有明審魏史若以為大惡邪則宜隱而不言若謂為小惡邪則不應假為之辭而崇飾虛文乃至於是異乎所聞於舊史推此而言其稱主甄諸后言行之善皆難以實論陳氏刪落良有以也三公奏曰蓋孝敬之道篤乎其親乃四海所以成化天地所以明察是謂生則致其養歿則光其靈誦述以盡其美宣揚以顯其名者也今陛下以聖懿之德紹承洪業至孝蒸蒸通於神明遭罹殷憂每勞謙讓先帝遷神山陵大禮既備至於先后未有顯諡伏惟先后恭讓著於幽微至行顯於不言化流邦國德侔二南故能膺神靈嘉祥為大魏世紀雖風年登遐萬載之後永播融烈后妃之功莫得而尚也案諡

法聖開周達曰昭德明有功曰昭昭者光明之至盛久而不昧者也宜上尊諡曰文昭皇后是月三公又奏曰自古周人始祖后稷又特立廟以祀姜嫄今文昭皇后之於萬嗣聖德至化豈有量哉夫以皇家世祀之尊而克讓允恭固推盛位神靈遷化而無寢廟以承享禮非所以報顯德昭孝敬也稽之古制宜依周禮先妣別立寢廟並奏可之

按魏略曰后年十四喪中兄儼悲哀過制事寡嫂謙敬事處其勞拊養儼子慈愛甚篤后母性嚴待諸婦有常后數諫母兄不幸早終嫂年少守節願留一子以大義言之待之當如婦愛之宜如女母感后言流涕便令后與嫂共止寢息坐起常相隨恩愛益密

照出在幽州后留侍姑及鄴城破紹妻及后共坐室堂上文帝入紹舍見紹妻及后后怖以頭伏姑膝上紹妻兩手自搏文帝謂曰劉夫人云何如此令新婦舉頭姑乃捧后令仰文帝就視見其顏色非凡稱歎之太祖聞其意遂為迎取

按世語曰太祖下鄴文帝先入袁尚府有婦人披髮垢面垂涕立紹妻劉後文帝問之劉答是熙妻顧摩髮髻以巾拭面姿貌絕倫既過劉謂后不憂死矣遂見納有寵

文帝郭皇后

按魏志后妃傳文德郭皇后安平廣宗人也祖世長吏后少而父永奇之曰此乃吾女中王也遂以女王為字早失二親喪亂流離沒在銅鞮侯家太祖為魏公時得入東宮后有智數時時有所獻納文帝定為嗣后有謀焉太子即王位后為夫人及踐阼為貴嬪

甄后之死由后之寵也黃初三年將登后位文帝欲立為后中郎校潛上疏曰在昔帝王之治天下不惟外輔亦有內助治亂所由盛衰從之故西陵配黃英娥降嬀並以賢明流芳上世桀奔南巢禍階妹喜紂以炮烙怡悅妲己是以聖哲慎立元妃必取先代世族之家擇其令淑以統六宮虔奉廟陰教事修易曰家道正而天下定由內及外先王之令典也春秋書宗人覺夏云無以妾為夫人之禮齊桓誓命於葵丘亦曰無以妾為妻今後宮嬖寵常亞乘輿若因愛登后使賤人暴貴臣恐後世下陵上替開張非度亂自上起也文帝不從遂立為皇后后蚤喪兄弟以從兄表繼永後拜奉車都尉后外親劉斐與他國為婚不得因勢彊與他方人婚也后姊子孟武還鄉里求小妻后止之遂勅諸家曰今世婦女少當配將士不得因緣取以為妾也宜各自慎無為罰首五年帝東征后留許昌永始臺時霖雨百餘日城樓多壞有司奏請移止后曰昔楚昭王出遊貞姜留漸臺江水至使者迎而無符不去卒沒今帝在遠吾幸未有是患而便移止奈何羣臣莫敢復言六年帝東征吳至廣陵后留譙宮時表留衛欲過水取魚后曰水當通運漕又少材木奴客不在目前當復私取官竹木作梁過今奉車所不足者豈魚乎明帝即位尊后為皇太后稱永安宮太和四年詔封表安陽亭侯又進爵鄉侯增邑并前五百戶遷中壘將軍以表子詳為騎都尉其年帝追諡太后父永為安陽鄉敬侯母董為都鄉君遷表昭德將軍加金紫位特進表第二子嗣

爲騎都尉及孟武母卒欲厚葬起祠堂太后止之曰
自喪亂以來墳墓無不發掘皆由厚葬也首陽陵可
以爲法青龍三年春后崩於許昌以終制營陵三月
庚寅葬首陽陵西帝進表爵爲觀津侯增邑五百并
前千戶遷許昌爲駙馬都尉四年追改封永爲觀津敬
侯世婦董爲堂陽君追封諡后兄浮爲梁里亭戴侯
都爲武城亭孝侯成爲新樂亭定侯皆使使者奉策
祠以太牢表薨子詳嗣又分表爵封詳弟述爲列侯
詳薨子釗嗣

按注魏書曰后父永官至南郡太守諡敬侯母姓董
氏卽堂陽君生三男二女長男浮高唐令次女昱大
卽后后弟都弟成后以漢中平元年二月乙卯生生
而有異常 后上表謝曰妾無皇英釐降之節又非
姜任思齊之倫誠不足以假充女君之盛位處中饋
之重任后自在東宮及卽尊位雖有異寵心愈恭肅
供養永壽宮以孝聞是時柴貴人亦有寵后教訓獎
導之後宮諸貴人時有過失常彌覆之有譴讓輒爲
帝言其本末帝或大有所怒至爲之頓首請罪是以
六宮無怨性儉約不好音樂常慕漢明德馬后之爲
人 后常勅戒表武等曰漢氏椒房之家少能自全
者皆由驕奢可不慎乎

按魏略曰明帝既嗣立追痛甄后之葬故太后以憂
暴崩甄后臨沒以帝屬李夫人及太后崩夫人乃說
甄后見譖之禍不獲大斂被髮覆面帝哀恨流涕命
殯葬太后皆如甄后故事

按漢晉春秋曰初甄后之誅由郭后之寵及殯令被
髮覆面以糠塞口遂立郭后使養明帝帝知之心常

懷忿數泣問甄后死狀郭后曰先帝自殺何以責問
我且汝爲人子可追讎死父爲前母枉殺後母邪明
帝怒遂逼殺之勅殯者使如甄后故事

明帝毛皇后

按魏志后妃傳明悼毛皇后河內人也黃初中以選
入東宮明帝時爲平原王進御有寵出入與同輿輦
及卽帝位以爲貴嬪太和元年立爲皇后后父嘉拜
騎都尉后弟會郎中初明帝爲王始納河內虞氏爲
妃帝卽位虞氏不得立爲后太后太后慰勉焉虞
氏曰曹氏自好立賤未有能以義舉者也然后職內
事君聽外政其道相由而成苟不能以善始未有能
令終者也殆必由此亡國喪祀矣虞氏遂縊還鄴宮
進嘉爲奉車都尉會騎都尉龍賜隆渥項之封嘉博
平鄉侯遷光祿大夫會駙馬都尉嘉本典虞車工卒
暴富貴明帝令朝臣會其家飲宴其容止舉動甚蚩
朕語輒自謂侯身時人以爲笑後又加嘉位特進會
遷散騎侍郎青龍三年嘉薨追贈光祿大夫改封安
國侯增邑五百并前千戶諡曰節侯四年追封后母
夏爲野王君帝之幸郭元后也后愛寵日弛景初元
年帝遊後園召才人以上曲宴極樂元后曰宜延皇
后帝弗許乃禁左右使不得宣后知之明日帝見后
后曰昨日遊宴北園樂乎帝以左右洩之所殺十餘
人賜后死然猶加諡葬愍陵還會散騎常侍後徙爲
羽林虎賁中郎將原武典農

明帝郭皇后

按魏志后妃傳明元郭皇后西平人也世河右大族
黃初中本郡反叛遂沒入宮明帝卽位甚見愛幸拜

爲夫人叔父立爲騎都尉從父芝爲虎賁中郎將帝
疾困遂立爲皇后齊王卽位尊后爲皇太后稱永寧
宮追封諡太后父滿爲西都定侯以立子建紹其爵
封太后母杜爲邵陽君芝遷散騎常侍長水校尉立
宣德將軍皆封列侯建兄惠出養甄氏惠及建俱爲
鎮護將軍皆封列侯並掌宿衛直三主幼弱宰輔統
政與奪大事皆先咨啓於太后而后施行母丘儉鍾
會等作亂咸假其命而以爲辭焉景元四年十二月
崩五年二月葬高平陵西

吳

吳主步皇后

按吳志后妃傳吳主權步夫人臨淮淮陰人也與丞
相鸞同族漢末其母攜將徙廬江廬江爲孫策所破
皆東渡江以美麗得幸於權寵冠後庭生二女長曰
魯班字大虎前配周瑜子循後配全琮少曰魯育字
小虎前配朱據後配劉纂夫人性不如忌多所推進
故久見愛侍權爲王及帝意欲以爲后而羣臣議在
徐氏權依違者十餘年然宮內皆稱皇后親戚上疏
稱中宮及薨臣下緣權指請追正名號乃贈印綬策
命曰惟赤烏元年閏月戊子皇帝曰嗚呼皇后惟后
佐命共承天地虔恭夙夜與朕均勞內教修整禮義
不愆寬容慈惠有淑懿之德民臣縣望遠近歸心朕
以世難未夷大統未一緣后雅志每懷謙損是以于
時未授名號亦必謂后降年有永永與朕躬對揚天
休不寤奄忽大命近止朕恨本意不早昭顯傷后殯
逝不終天祿愍悼之至痛於厥心今使使持節丞相
禮陵亭侯雍奉策授號配食先后魂而有靈嘉其寵

榮鳴呼哀哉葬於蔣陵

吳主王皇后

按吳志后妃傳吳主權王夫人琅邪人也夫人以選入宮黃武中得幸生孫和寵次步氏步氏薨後和立為太子權將立夫人為后而全公主素憎夫人稍稍譖毀及權寢疾言有喜色由是權深責怒以憂死和子皓立追尊夫人曰大懿皇后封三弟皆列侯

吳主王皇后

按吳志后妃傳吳主權王夫人南陽人也以選入宮嘉禾中得幸生孫休及和為太子和母貴重諸姬有寵者皆出居外夫人出公安卒因葬焉休即位遣使追尊曰敬懷皇后改葬敬陵王氏無後封同母弟女雍為亭侯

吳主潘皇后

按吳志后妃傳吳主權潘夫人會稽句章人也父為吏坐法死夫人與姊俱輸織室權見而異之召充後宮得幸有娠夢有似龍頭授己者己以蔽膝受之遂生孫亮赤烏十三年亮立為太子請出嫁夫人之姊權聽許之明年立夫人為皇后性險妒容媚自始至卒譖害袁夫人等甚衆權不豫夫人使問中書令孫弘呂后專制故事侍疾疲勞因以羸疾諸宮人伺其昏臥共殺之託言中惡後事洩坐死者六七人權尋薨合葬蔣陵孫亮即位以夫人姊增譚紹為騎都尉授兵亮廢紹與家屬送本郡廬陵按注吳錄曰袁夫人者袁術女也有節行而無子權數以諸姬子與養之輒不育及步夫人薨權欲立之夫人自以無子固辭不受

孫亮全皇后

按吳志后妃傳孫亮全夫人全尚女也尚從祖母公主愛之每進見輒與俱及潘夫人母子有寵全主自以與孫和母有隙乃勸權為潘氏男亮納夫人亮遂為嗣夫人立為皇后以尚為城門校尉封都亭侯代滕引為太常衛將軍進封永平侯錄尚書事時全氏侯有五人並典兵馬其餘為侍郎騎都尉宿衛左右自吳興外戚貴盛莫及及魏大將諸葛誕以壽春來附而全悍全端全禧全儀等並因此際降魏全熙謀洩見殺由是諸全衰弱會孫繼廢亮為會稽王後又黜為侯官侯夫人隨之國居侯官尚將家屬徙零陵追見殺

孫休朱皇后

按吳志后妃傳孫休朱夫人朱據女休姊公主所生也赤烏末權為休納以為妃休為琅邪王隨居丹陽建興中孫峻專政公族皆患之全尚妻即峻姊故惟全主祐焉初孫和為太子時全主譖害王夫人欲廢太子立魯王朱主不聽由是有隙五鳳中孫儀謀殺峻事覺被誅全主因言朱主與儀同謀峻枉殺朱主休懼遣夫人還建業執手泣別既至峻遣還休太平中孫亮知朱主為全主所害問朱主死意全主懼曰我實不知皆據二子熊損所自亮殺熊損損妻是峻妹也孫繼益忌亮遂廢亮立休未安五年立夫人為皇后休卒羣臣尊夫人為皇太后孫皓即位月餘貶為景皇后稱安定宮甘露元年七月見逼薨合葬定陵

孫皓滕皇后

按吳志后妃傳孫皓滕夫人故太常引之族女也引夷滅夫人父牧以疎遠徙邊郡孫休即位大赦得還以牧為五官中郎皓既封烏程侯聘牧女為妃皓即位立為皇后封牧高密侯拜衛將軍錄尚書事後朝士以牧尊威頗推令諫爭而夫人寵漸衰皓滋不悅皓母何恆左右之又太史言於運歷后不可易皓信巫覡故得不廢常供養升平宮牧見遣居蒼梧郡雖爵位不奪其實裔也遂道路憂死長秋官僚備員而已受朝賀表疏如故而皓內諸寵姬佩皇后璽綬者多矣天紀四年隨皓遷於洛陽

按注搜神記曰孫峻殺朱主埋於石子岡歸命即位將欲改葬之冢墓相亞不可識別而宮人頗識主亡時所著衣服乃使兩巫各住一處以伺其靈使察鑒之不得相近入時二人俱白見一女人年可三十餘上著青錦束頭紫白袷裳丹絳絲履從石子岡上半岡而以手抑膝長太息小住須臾進一冢上便止徘徊良久奄然不見二人之言不謀而同於是開冢衣服如之

晉

宣帝張皇后

按晉書后妃傳宣穆張皇后諱春華河內平輿人也父汪魏栗邑令母河內山氏司徒濟之從祖姑也后少有德行智識過人生景帝文帝平原王幹南陽公主宣帝初解魏武之命託以風痹嘗暴書遇暴雨不覺自起收之家惟有一婢見之后乃恐事洩致禍遂手殺之以滅口而親自執殯帝由是重之其後柏夫人有寵后罕得進見帝嘗臥疾后往省病帝曰老物

可憎何煩出也后慙惠不食將自殺諸子亦不食帝驚而致謝后乃止帝退而謂人曰老物不足惜慮困我好兒耳魏正始八年崩時年五十九葬洛陽高原陵追贈廣平縣君咸熙元年追號宣穆妃及武帝受禪追尊爲皇后

景帝夏侯皇后

按晉書后妃傳景懷夏侯皇后諱徽字媛容沛國譙人也父尚魏征南大將軍母曹氏魏德陽鄉主后雅有識度帝每有所爲必謀籌畫魏明帝世宣帝居上將之重諸子並有雄才大略后知帝非魏之純臣而后既魏氏之甥帝深忌之青龍二年遂以鳩崩時年二十四葬峻平陵武帝登阼初未追崇弘訓太后每以爲言泰始二年始加號諡后無男生五女

景帝羊皇后

按晉書后妃傳景獻羊皇后諱徽瑜泰山南城人父衡上黨太守后母陳留蔡氏漢左中郎將邕之女也后聰敏有才行景懷皇后崩景帝更娶鎮北將軍濮陽吳質女見黜復納后無子武帝受禪居弘訓宮號弘訓太后泰始九年追贈蔡氏濟陽縣君諡曰穆咸寧四年太后崩時年六十五祔葬峻平陵

文帝王皇后

按晉書后妃傳文明明王皇后諱元姬東海郯人也父肅魏中領軍蘭陵侯后年八歲誦詩論九善喪服苟有文義目所一見必貫於心年九歲遇母疾扶持不捨左右衣不解帶者久之母先意候指動中所適由是父母令攝家事每盡其理祖期甚愛異之曰與吾家者必此女也惜不爲男矣年十二朗薨后哀戚哭

泣發於自然其父益加敬異既并歸於文帝生武帝及遼東悼王定國齊獻王攸城陽哀王北廣漢陽王廣德京兆公主后事舅姑盡婦道謙沖接下嬪御有序及居父喪身不勝衣言與淚俱時鍾會以才能見任后每言於帝曰會見利忘義好爲事端寵過必亂不可大任會後果及武帝受禪尊爲皇太后宮曰崇化初置宮卿重選其職以太常諸葛緒爲衛尉太僕劉原爲太僕宗正曹楷爲少府后雖處尊位不忘素業躬執紡績器服無文御流濯之衣食不參味而敦睦九族垂心萬物言必典禮浸潤不行帝以后母羊氏未崇諡號泰始三年下詔曰昔漢文追崇靈文之號武宣有平原博平之封咸所以奉尊尊之敬廣親親之恩也故衛將軍蘭陵景侯夫人羊氏含章體順仁德醇備內承世冒出嫡大國三從之行率禮無違仍遣不造類喪統嗣撫育衆子克成家道母儀之教光於邦族誕啓聖明祚流萬國而早世祖隕不遇休寵皇太后孝思蒸蒸永慕罔極朕感存遺訓追遠傷懷其封夫人爲縣君依德紀諡主者詳如舊典於是使使持節謁者何融追諡爲平陽縣君四年后崩時年五十二合葬崇陽陵將遷祔帝手疏后德行命史官爲哀策曰明明先后與我晉道暉章淑問以翼皇考邁德宣猷大業有造貽慶孤孀堂構是保庶資復顧未享難老奄然登遐棄我何早沈哀罔訴如何穹昊嗚呼哀哉厥初生民樹之惠康帝遷明德顧予先皇天立厥配我皇是光作邦作對德音無疆愍予不弔天驚降殃日沒明夷中年隕喪哀榮在疚未懷推傷尋惟景行於穆不已海岱降靈世荷繁祉永錫祚

嗣篤生文母誕膺純和淑慎容止質直不渝體茲孝友詩書是悅禮籍是紀三從無違中饋允理追惟先后勞謙是尚爰初在室竭力致養嬪于大邦皇基是相謚靜隆化帝業以創內叙嬪御外叶時望履信居順德行洽暢密勿無荒劬勞克讓崇儉抑華冲素是放雖享崇高歡嘉未饗胡軍棄之我將曷仰忝余不造大罰薦臻皇考背世始踰三年仰奉慈親冀無後艱凶災仍集何辜於天嗚呼哀哉靈輻鳳駕設祖中闡輶輶動軫既往不追哀哀皇妣永潛靈暉進攀梓宮顧援素所屏營窮痛誰告誰依訴情贈策以舒傷悲尚有聞顧予孤遺嗚呼哀哉其後帝追慕不已復下詔曰外曾祖母故司徒王朗夫人楊氏舅氏尊屬鄭劉二從母先后至愛每惟聖善敦睦遺旨渭陽之感未懷廢及其封楊夫人及從母爲鄉君邑各五百戶太康七年追贈繼祖母夏侯氏爲榮陽鄉君

武帝楊皇后

按晉書后妃傳武元楊皇后諱豔字瓊芝弘農華陰人也父文宗見外戚傳母天水趙氏早卒后依舅家舅妻仁愛親乳養后遣他人乳其子及長又隨後母段氏依其家后少聰慧善書姿質美麗嫻於女工有善相者嘗相后當極貴文帝聞而爲世子聘焉甚被寵遇生毗陵悼王軌惠帝泰獻王東平陽新豐陽平公主武帝即位立爲皇后有司奏依漢故事皇后太子各食湯沐邑四十縣而帝以非古典不許后追懷舅氏之恩顯官趙俊納俊兄虞女姦於後宮爲夫人帝以皇太子不堪奉大統密以語后后曰立嫡以長不以賢豈可動乎初賈充妻郭氏使路后求以女爲